

TEZAUUR LITURGIC
1 APRILIE

ACATISTUL
SF. CUVIOASE
MARIA
EGIPTEANCA



MOSCOVA, 2000



Акафист преподобней Марии Египетстей

Кондак 1

Избранней от Господа во образ спасения всем грешным и отчаянным, из глубины греха востекшей на высоту безстрастия, похвальная пения приносим ти, мати преподобная, ты же, яко имущи дерзновение к Щедрому Богу, молитвами твоими на стезю покаяния любовию тебе зовущих: Радуйся, чудо милосердия Божия, Марие равноангельная.

Икос 1

Ангела во плоти узрев ты в пустыни Иорданской великий Зосима, на воздухе стоящую и о мире молящуюся, со удивлением и ужасом одержимъ весь трепетом быв, со слезами вопияше тебе таковая:

Радуйся, благодати и света исполненная;

радуйся, прозрения даром украшенная.

Радуйся, в молитве твоей на воздухе стоящая;

радуйся, пустынное сокровище, от мира утаенное.

Радуйся, безплотных собеседнице;

радуйся, Духа Святаго селение.

Ра́дуйся, чу́до милосе́рдия Бо́жия, Мари́е равноа́нгельная.

Кондак 2

Ви́дящи ста́рца благоговейнаго, у́жаса исполнена, ти́хим гла́сом рекла́ еси́ тому́, преподо́бная: «Не бо́йся, авво Зо́симо, несмы́ дух, но земля́, прах и пепел, и всячески́ плоть, ничто́же духо́вное когда́ помы́слившая и ни еди́ныя добродéтели иму́щая. Жена́ есмь грéшница, недостойная́ взирати́ на не́бо, и со страхом грéшными́ усты́ зову́ Бо́гу: Аллилу́иа».

Икос 2

Разуме́ти ища́ дивную́ та́йну, в тебе́ сокрове́нную, ста́рец паде́ пред но́гама тво́йма, глаго́ля: «Заклина́ю тя и́менем Го́спода на́шего Иису́са Христа́, Его́же ра́ди наготу́ но́сиши сию́, не скры́й от мене́ жития́ твоего́, да вели́чия Бо́жия я́ве сотвори́ши». С ни́мже и мы дерза́ем ублажа́ти тя си́це:

Ра́дуйся, смире́ния све́тлая вы́сота;
ра́дуйся, дарова́ний духо́вных бога́тство неисчерпаемое.

Ра́дуйся, любве́ ра́ди Бо́жия те́ло свое́ умерщвля́вшая;

ра́дуйся, в пусты́ни непрохо́дней еди́на с еди́ным Бо́гом пребы́вавшая.

Ра́дуйся, ра́йскою красо́тою сия́ющая;

ра́дуйся, безстра́стия свѣтом озарѣнная.
Ра́дуйся, чѹдо милосѣрдия Бѹжия, Мари́е
равноа́нгельная.

Кондак 3

«Си́лою Вы́шняго укрепля́ема, испове́м ти,
челове́че Бѹжий, грехи́ и беззакѹ́ния моя́, —
отвещала́ еси́ Зоси́ме, — стыждѹ́ся, ѹ́тче, прости́
мя, но поне́же тѣло мое́ на́го видел еси́, обнажу́
ти и дела́ моя́, оба́че молю́ тя пѣрвее: не бежи́ от
мене́, не терпя́ слы́шати безме́стная, я́же аз
содея́х; но, милосѣрдствуя о мене́, моли́ся за мя,
блѹдную, и Бѹгу, не возгнуша́вшемуся мно́ю,
зови́: Аллилу́иа».

Икос 3

«Име́я милосѣрдие неизрече́нное, с мытари́ и
гре́шники вечеря́вый, Той и мене́, во глубину́
поги́бели па́дшей, простре́ ру́ку Свою́
Божѣственную, егда́ бо возжела́х аз вни́ти в
хра́м Госпо́день, не́кая си́ла возбрани́ ми вход,
се́рдца же моего́ косну́выйся свет ра́зума,
показа́ ми тину́ дел моих; и нача́х пла́каться о
гресе́х, в пѣрси бию́щи и го́рько рыда́ющи», —
си́це рекла́ еси́, Мари́е, мы же, пока́нию твоему́
дивя́щися, пѣние прино́сим ти таковое́:

Ра́дуйся, я́ко но́щи прешѣ́дшей возсия́ ти заря́
спасе́ния;

ра́дуйся, я́ко глас Христо́в призва́ овча́ заблуждшее от де́брей греха́.

Ра́дуйся, я́ко слезными то́ки омы́ла еси́ вся твоя́ скверны́;

ра́дуйся, я́ко слеза́ми твоими́ очисти́ла еси́ одея́ние души́ твоея́.

Ра́дуйся, я́ко Оте́ц щедро́т объ́ятия Своея́ любви́ тебе́ отве́рзе;

ра́дуйся, я́ко Ве́дый твоя́ та́йная рукописа́ния грехо́в твои́х раздра́.

Ра́дуйся, чу́до милосе́рдия Бо́жия, Мари́е равноа́нгельная.

Кондак 4

Бу́рею ско́рбных помысло́в одержима́, узрела́ еси́ ико́ну Пречи́стыя Богома́тери и, стеля́щи, воззва́ла еси́ к Ней: «Пове́ли, о Влады́чице, да и мне, недостойней, отве́рзутся божество́ннии входи́, и бу́ди ми Поручни́ца, да узре́вши Крест Сы́на Твоего́, ми́ра и яже в ми́ре всего́ отве́ргуся и изы́ду, а́може пове́лиши мне, зову́щи Бо́гу: Аллилу́иа».

Икос 4

Слы́шавши глас, изда́леча глаго́лющ: «А́ще Иорда́н пре́йдеши, добр поко́й обря́щеши», на колéна па́дши пред Присноде́вою, рекла́ еси́: «О Влады́чице! Не гнуша́ется де́вственная чистота́ Твоя́ моя́ недостойны́я моли́твы, бу́ди ми

спасения Учительница, руководствующая на путь покаяния!» Тёмже убо Ангели Божии, написующе исповедание твоё, возглашаху тебе в той час сицевая:

Радуйся, от тьмы греха к чистому свету покаяния прешедшая;

радуйся, неистовство страстей и нечистоту плотскую отринувшая.

Радуйся, тяжкое бремя студных работы диаволи отвергшая;

радуйся, благое и лёгкое иго Христово подъемшая.

Радуйся, от смерти греховныя к вечному животу возставшая;

радуйся, от врат погібели ко вратом рая восшедшая.

Радуйся, чудо милосердия Божия, Мариё равноангельная.

Кондак 5

Богосветлыми лучами благодати просвещает тя Пресвятая Дева, Та бо Споручница грешных к Богу сущи, отверзает тебе двери милосердия Божия и врата храма святаго, воньже вшедши, со многими слезами поклонилася еси Живоносному Древу, имже мир спасен бысть, и распеншемуся Господу, Кровь Свою за твоё избавление излившему, благодарственно воспела еси: Аллилуиа.

Икос 5

Ви́девши та́йны Бо́жия и ка́ко Той го́тов е́сть приима́ти ка́ющихся, всехва́льная Мари́е, воззва́ла еси́ всем се́рдцем: «Влады́чице Богоро́дице! Не оста́ви мене́!» — и устреми́лася еси́ в пусты́ню об он пол Иорда́на, мы же, почита́юще бе́гство твое́, срета́ем тя пёнии си́ми:

Ра́дуйся, я́ко всепроща́ющею любо́вию Спа́са ура́нися се́рдце твое́;

ра́дуйся, я́ко сокрови́ще благода́ти, тобо́ю прия́тое, потщала́ся еси́ сокры́ти в пусты́ни.

Ра́дуйся, я́ко ми́ра грехо́вныя сла́дости скороте́чно отбе́гла еси́;

ра́дуйся, я́ко невозвратное шё́ствие твое́ к небе́сным на всяк день ускоря́ла еси́.

Ра́дуйся, я́ко ре́вностный исхо́д твой де́моны опа́ли;

ра́дуйся, я́ко вселёние твое́ в ско́рбную пусты́ню Небеса́ возвесели́.

Ра́дуйся, чу́до милосе́рдия Бо́жия, Мари́е равноа́нгельная.

Кондак 6

Пропове́дуеши всем па́дшим и отча́нным, всечестна́я, Бо́жие человеколю́бие, и явля́еши си́лу покая́ния, я́же грёшную ду́шу омы́вает, очища́ет, светли́т, и возво́дит горе́, и весёлие

творит Ангелом Божиим, с нимиже и мы бранными усты зовем: Аллилуиа.

Икос 6

Воссия миру от пустыни Иорданския свет великих подвигов твоих, Марие приснославная, многая бо лета, аки адамант тверд и столп непоколебимь пребыла еси, яко со зверьми лютыми, с похотьми твоими борющися и оружием Креста отражаючи разжженные стрелы лукаваго. Сего ради дивящися преестествонному терпению твоему, любвию зовем ти:

Радуйся, яко злострадания труд в пустыни четыредесять и осмь лет понесла еси;

радуйся, яко опаление солнечное и мразнощный в наготѣ долготерпела еси.

Радуйся, гладом и жаждою измождаемая;

радуйся, покровом Богородицы от смерти охраняемая.

Радуйся, яко в борьбе со грехом, в тебе живущим, до крове подвизалася еси.

радуйся, яко всякое пожелание плоти конечно умервила еси.

Радуйся, чудо милосердия Божия, Марие равноангельная.

Кондак 7

Хотя́ препя́тие сотвори́ти твоему́ свѣтлому к Небеси́ шествию, всеблаже́нная, исконный врагъ рода́ челове́ческаго не престая́ше влагати́ ти помы́слы нечи́стыя, огоньъ грехо́вный в удесе́х твои́х разжи́зая и приводя́ тебе на па́мьть о́бразы пре́жняго жити́я твоего́. Ты же, многострада́льная, поверга́лася еси́ на зѣмлю, слеза́ми ороша́ющи ю и призыва́ющи в по́мощь Присноде́ву, и не воста́ла еси́ от земли́, донде́же сладкийъ свѣт осия́ваше́ тя, воздви́зая благода́рственно пѣти Бо́гу: Аллилу́иа.

Икос 7

Но́вый челове́к, по Бо́зе созданный, явила́ся еси́, преподо́бная, умертвивши́ бо всеконѣ́чне вѣтхаго́ челове́ка, во Христа́ облекла́ся еси́, всечу́дная, за седмьна́десять летъ безчи́сленныя бе́ды постра́давши. О семъ у́бо Зосиме́ рекла́ еси́: «Отто́ле же и до днесь́ си́ла Бо́жия грѣшную́ мою́ ду́шу и тѣло смире́нное соблюде́». Приими́ у́бо и от нас, недостой́ных, похва́лы сицевы́я:

Ра́дуйся, я́ко умертвила́ еси́ страсте́й взыгра́ния;

ра́дуйся, я́ко победи́ла еси́ и са́мое естество́.

Ра́дуйся, я́ко очисти́ла еси́ ду́шу и плоть твою́ от всяка́го греха́;

ра́дуйся, я́ко в хра́мине всели́ся Госпо́дь.

Ра́дуйся, я́ко облекла́ся еси́ в оде́жду весе́лия
духовнаго;

ра́дуйся, я́ко вошла́ еси́ в ве́чный поко́й Сы́на
Бо́жия.

Ра́дуйся, чу́до милосе́рдия Бо́жия, Мари́е
равноа́нгельная.

Кондак 8

Стра́нное и пресла́вное изме́нение твоё,
преподо́бная, ви́дяще, де́монов те́мныя полцы́
горько рыда́ху, вся же Си́лы Небе́сныя ра́достию
игра́юще, песнь Христу́ воспева́ху,
прославля́юще Бо́жие милосе́рдие, грехми́
лю́дскими неодоли́мое, ве́лиим гла́сом зову́ще:
Аллилу́иа.

Икос 8

Вся была́ еси́ в Бо́зе, Мари́е всебога́тая, егда́
Зоси́ма, обходя́ пусты́ню, ви́дети тя сподо́бися.
«Заклина́ю тя, о́тче, Спаси́телем Бо́гом, да
никому́же рече́ши, я́же слы́шал еси́ от мене́,
до́ндеже Бог от земли́ во́змет мя, — запове́дала
еси́ тому́. — Ны́не с ми́ром отыди́, в посте́ же
гряду́щаго ле́та причасти́ мя Святы́х Христо́вых
Та́ин на бре́зе Иорда́нстем». Сия́ ре́кши, а́ки
го́рлица пусты́ннолю́бивая и неударжи́мая, от
о́чию ста́рца скры́лася еси́, той же поклони́ся до
земли́ и, облобы́зав ме́сто, иде́же стоя́сте но́зе
твои́, воззва́ такова́я:

Ра́дуйся, я́ко студа́ грехо́внаго обнажи́лася еси́;
ра́дуйся, я́ко па́че сне́га убели́лася еси́;

Ра́дуйся, я́ко омраче́ние стра́стное
препобеди́ла еси́;

ра́дуйся, я́ко па́че луче́й со́лнечных
просвети́лася еси́.

Ра́дуйся, пе́рвее блудни́ца, ны́не же неvéста
Христо́ва;

ра́дуйся, я́ко вси греси́ твои́ прощени́ суть у
Бо́га.

Ра́дуйся, чу́до милосе́рдия Бо́жия, Мари́е
равноа́нгельная.

Кондак 9

«Всяк по́мысл и ум ужа́сают боле́зни твоя́,
всехва́льная, ка́ко труд пусты́ни любве́ ра́ди
Бо́жия претерпела еси́, — взыва́ше превели́кий
во отце́х Зосима, рыда́я. — О, ма́ти духо́вная! Ты
Бо́гу прибли́зилася еси́, хоте́л бых, а́ще бы
мо́щно ми бы́ло, во след тебе́ ходи́ти, и зрети́
честно́е лице́ твоё, и купно́ с тобо́ю немол́чно
пе́ти: Аллилу́иа».

Икос 9

Ветийство́ земноро́дных не довлéет к
достойно́му похвалéнию твои́х по́двигов,
всечестна́я. Кто же дово́лен изреши́ слéзные
то́ки, я́же проли́яла еси́ в моли́твах к Бо́гу, кто
боле́зни твоя́ изочтёт, кто испове́сть всено́щная

бдѣнія, борѣнія и тесноту житія твоего? Пустыню всю чудесы просветивши, яко солнце, просияла еси, всечюдная, тем убо молим тя: озари лучами свѣта твоего сердца наша и испроси оставленіе грехов всем вопиющим тебе таковая:

Радуйся, помраченныи образ Божий в свѣтлости велицей в себѣ возобразившая;

радуйся, смрада греха избѣгши, небесными ароматы благоухающая.

Радуйся, звездами чудес украшенная;

радуйся, лучами добродетелей сияющая.

Радуйся, величія Божія всем концем земли благовествующая;

радуйся, небо и землю к пѣнію славы Господа твоего призывающая.

Радуйся, чудо милосердія Божія, Маріе равноангельная.

Кондак 10

Спасителя Бога Животворяща Тѣло и Кровь взем, в день таинственныхъ Христовы Вѣчери авва Зосима по заветанію твоему, преподобная мати, в вечер зело поздн изыде на брег Иордана, неуклонно в пустыню лунным свѣтом осияваемую, зря и моляся к Богу, глаголаше: «Покажи ми, Господи, сокровище Твое, еже в пустыни сокрыл еси! Покажи ми ангела во

плоти, да не оты́ду тощ, нося́ моя́ грехи́ на обличение, но да раду́ясь, зову́ Тебе́: Аллилу́иа».

Икос 10

Стéну непроходну́ мы́сляше ста́рец бы́ти Иорда́н ре́ку между́ ним и тобо́ю, преподо́бная; обаче ты, ста́вши на бре́зе да́льном, зна́мением крэ́стным Иорда́н осени́ла еси́ и с моли́твою пошла́ еси́ по воде́, а́ки по су́ху. Зоси́ма же, ви́дев тя, гряду́щу по вода́м Иорда́нским, ужасе́ся и радостне вопия́ше тебе́:

Раду́йся, го́рняго ра́я Бо́жия обита́тельница;
раду́йся, я́ко тварь повину́ется велéнию твоему́.

Раду́йся, я́ко Иорда́н тебе́ служит;
раду́йся, я́ко луна́ и звёзды дивя́тся святы́не твоей.

Раду́йся, си́лы Бо́жия дивное проявлéние;
раду́йся, Бо́га Жива́го хра́ме одушевлéнный.

Раду́йся, чу́до милосе́рдия Бо́жия, Мари́е равноа́нгельная.

Кондак 11

«Пéние подоба́ет тебе́ приноси́ти Всемогущему́ Бо́гу, авво, — рекла́ еси́ тому́, по воде́ шéствующи. — Что твори́ши, священник сый, ка́ко хо́щещи клáняться мне, убóзей, сам нося́й стра́шныя Та́йны Христа́ Бо́га! И́мже véрою и

любовию покланяющися, прах и земля сущи, со страхом зову: Аллилуиа».

Икос 11

Свѣтом небѣсным блистающися, причастилася еси Божественных Таин и радости премирныя исполнившися и на небо руже воздѣвши, рекла еси: «Ныне отпускаеши рабу Твою, Владыко!» Обращшися же к старцу, вещала еси: «О, авво Зосимо! В грядущее лето узриши мя паки в пустыни, якоже хочет Господь. Моли Его о мне, отче мой, моли, поминая всегда мое окаянство». И паки Иордан знаменоваши, прешла еси верху воды, старец же, не смея надолзе держати тя, стенья и рыдая, зываше во след тебе таковая:

Радуйся, мертвость Господа Иисуса в теле носящая;

радуйся, Воскресения Его славою сияющая.

Радуйся, благодатию, яко ризою света, облеченная;

радуйся, светозарная обитель Всесвятыя Троицы.

Радуйся, яко силы адовы ужасаются и трепещут славы твоея;

радуйся, яко Ангели Божии дивятся чистоте твоей.

Радуйся, чудо милосердия Божия, Марие равноангельная.

Кондак 12

Благода́тию Божество́нною окриля́ема, во един час до́лготу́ пусты́ни прешла́ еси́ и в но́щь спаса́тельныя Христо́вы Стра́сти, по причаще́нии Божество́нныя Та́йныя Вече́ри, сном святы́м усну́ла еси́, о ми́ре моля́щися, и дух твой Го́споду предала́ еси́, Е́муже со а́нгелы в неиспове́димей ра́дости зове́ши ны́не: Аллилу́иа.

Икос 12

По́я надгробно́е пе́ние, богому́дрый Зо́сима но́зе твой честне́и слеза́ми омы́ваше, и мно́го моли́вся, покры́ тѣло твоѣ́ землею́, на́го су́щее и ничто́же иму́щее, то́чию ве́тхую ма́нтию, ю́же испе́рва тебе́ даде́, ра́достью и стра́хом мно́гим одержи́мь, вели́чию Бо́жию дивя́ся, стоя́ше, зовы́й к тебе́ такова́я:

Ра́дуйся, я́ко, ча́до све́та су́щи, прешла́ еси́ к Све́ту невече́рнему;

ра́дуйся, я́ко дух твой с весе́лием прия́ша сонмы́ святы́х.

Ра́дуйся, я́ко тѣло твоѣ́ упоко́ися в во гробе́, и́же лев от пусты́ни тебе́ ископа́;

ра́дуйся, я́ко тобо́ю показа́ нам Го́сподь, коли́ко отстои́м от ме́ры соверше́нства.

Ра́дуйся, по́стников вы́соту́ и преподо́бных сла́во;

ра́дуйся, о всем ми́ре к Бо́гу ходата́ице.

Ра́дуйся, чу́до милосе́рдия Бо́жия, Мари́е равноа́нгельная.

Кондак 13

О, преподо́бная ма́ти, богоблаже́нная Мари́е! Приими́ от нас ны́не приноси́мое тебе́ моле́ние и, Све́ту непристу́пному предсто́ящи, моли́ся Всеще́дрому Бо́гу, да по вели́цей ми́лости Сво́ей, низпо́слет светоза́рную благода́ть покая́ния всем нам, заблۇ́ждшим ча́дом Небе́снаго Отца́, да, от греха́ к оте́ческому до́му восте́кше, в ра́йских селе́ниях сподо́бимся вку́пе с тобо́ю во ве́ки благода́рственно пе́ти Ему́: Аллилу́иа.

Молитва

О, вели́кая Христо́ва уго́днице, преподо́бная ма́ти Мари́е! На Небеси́ Престо́лу Бо́жию предсто́ящи, на землі́ же ду́хом любве́ с нами пребыва́ющи, иму́щи дерзнове́ние ко Го́споду, моли́ спасти́ рабы́ Его́, к тебе́ с любóвию притека́ющия. Испроси́ нам у Многоми́лостиваго Влады́ки и Го́спода на́шего ве́ры непоро́чное соблюде́ние, градо́в и весей на́ших утвержде́ние, от гла́да и па́губы изба́вление, скорбя́щим утеше́ние, недугу́ющим исцеле́ние, па́дшим возста́ние, заблۇ́ждшим вразумле́ние, в де́лах благі́х преспе́яние и благослове́ние, сирота́м и вдови́цам заступле́ние и отше́дшим от сего́ жити́я ве́чное упоко́ение. Бۇди крѣ́пкая

ходатаица, дивная мати Маріе, во еже всем нам в день Страшнаго Суда десныя страны общники быти и блаженный глас Судий мира услышати: приидите, благословеннии Отца Моего, наследуйте уготованное вам Царствие от сложения мира. Аминь.

Тексты акафистов утверждены на заседании Священного Синода 28 декабря 2018 года (журнал № 127)

